



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. XXII. Capitel

urn:nbn:de:hbz:466:1-34848

Die offenbarung

ein Chrysolit / der acht ein Berill / der neundt ein Topasier / der zehentein
Chrysoliras / der eylffte ein Hyacinth / der zwölffte ein Amethyst.

Und die zwölffthor / waren zwölff perlen / vnd ein jeglich thor war von
einer perlen / vnd die gassen der statt waren lauter golt / als ein durchschei-
nend glas / Vnd ich sahe keinen tempel / dinnen / den der herr der almechtig
Gott ist jr tempel / vnd das lamb / vnd die statt darff keiner sonnen noch
mond / das sy jr scheine / den die herligkeit gottes erleuchtet sy / vnd jr liech-
t ist das lamb / Vnd die heyden die da selig werden wandeln in dem selben
licht / vnd die künig vff erden werden ire herligkeit in die selbigen bringē /
Vnd jr thor werden nicht verschlossen des tags / den da wirt kein nacht
sein / vnd wirt nicht hinein geen irgent ein gemeynes vnd das da thut greu-
wel vn lügen / sond die geschriben sind in dem lebendige büch des lambs.

Das. XXII. Capitel

Vnd er zeiget mir einen lauterē was-
ser strom klar wie ein Cristal / der gieng vō dem stül Got-
tes vn̄ des lambs / mitten vff irer gassen / vn̄ vff beyden sei-
ten des stroms stād holz des lebens / das trüg zwölfferley
frucht / vn̄ gab seine frucht alle monat / vnd die bletter des
holzs dieneren zu der gesundtheit der heyden / vnd wirt kein verbandts
mer sein / vnd der stül Gottes vnd des lambs wirt dinnen sein / vnd seine
knecht werden im dienen vnd sehen sein angesicht / vnd sein name wirt an
iren stürnen sein / vnd wirt kein nacht da sein / vnd mit bedürffen einer leuch-
ten / oder des liechts der sonnen / den Gott der Herr wirt sy erleuchten / vn̄
sy werden regnieren von ewigkeit zu ewigkeit.

Und er sprach zu mir / dise wort sind gewis vn̄ warhafftig / vn̄ Got der
herr der heiligen propheten / hat seinen Engel gesandt zu zeygen seinē knech-
ten / was bald geschehen müß / Sibe ich kom bald / Selig ist der da helt
die wort der weiffagung in disem büch. Vnd ich bin Johannes / der solchs
gesehen vnd gehört hat / vnd da ichs gehört vnd gesagt / fiel ich nider an zu
betten zu den füßen des Engels / der mir solchs zeygt / vnd er spricht zu mir
sibe zu / thüs nicht / den ich bin dein mitknecht / vnd deiner brüder der pro-
pheten vnd deren / die da halten die wort dises büchs / Bett Gott an.

Und er spricht zu mir / ver sigle mit die wort der weiffagug in disem büch
den die zeit ist nahe / Wer beleydiget / der beleydige weiter / vnd wer besu-
delt ist / der besudel sich weiter / vn̄ wer rechtfertig ist / der rechtfertige sich
weiter / vnd wer heilig ist / der heilige sich weiter / Vnd sibe / ich kom bald
vnd mein lon mit mir / zu geben einem jegliche / wie sein werck sein werden /
ich bin das A vnd das O / der anfang vnd das end / der erst vnd der letst.
Selig

Selig synd die dathin seyne gebot / vff das jr macht sey an dem holz des
 lebens / vnd zu den thoren ingeen in die statt. Denn haussen synd die hund
 vnd die zauberer vnd die härer vnd die todtschläger vnd die abgöttischen
 vnd alle die liebhaben vnd thun die lügen.

Ich Jesus hab gesandt meinen Engel / solchs euch zu zeügem / an die ge-
 meynen / Ich bin die wurzel vnd die art David / eyn klarer moygenstern /
 Vnd der geyst vnd die haut sprechen / Kumi / vnd wer es höret / der sprech /
 kumi / vnd wen dürstet / der kumi / vnd wer da wil / der nem das wasser des
 lebens / vnd sonst.

Ich bezeugen eber alle / die da hören die wort der weyffagung in disem büch /
 so yemant dazu setzet / so wirt Gott zusezen auff in die plagen / die in disem
 büch geschriben steen / Vnd so yemant dauon thut / von den wortendef
 büch / vnsere weyffagung / so wirt Gott abthün sein teyl von dem büch
 des lebens / vnd von der heyligen stat / vnd von dem das in disem
 büch geschriben steet. Es spricht der solchs zeüget / ja / ich kumi
 bald / Amen / ja / kumi herz Jesu. Die genad vnsers Herren
 Jesu Chriß sey mit euch allen /
 Amen.



End des neüwen Testaments.

